
OFFERYNNAU STATUDOL CYMRU

2010 Rhif 194 (Cy.29)

**TRAFNIDIAETH GYHOEDDUS
I DEITHWYR, CYMRU**

Gorchymyn Consesiynau Teithio
(Gwasanaethau Cymwys) (Diwygio) 2010

<i>Gwnaed</i>	- - - -	<i>2 Chwefror 2010</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>3 Chwefror 2010</i>
<i>Yn dod i rym</i>	- -	<i>1 Ebrill 2010</i>

Drwy arfer y pwerau a roddwyd iddynt gan adran 94(4) o Ddeddf Trafnidiaeth 1985(1) ac adran 146 o Ddeddf Trafnidiaeth 2000(2), mae Gweinidogion Cymru yn gwneud y Gorchymyn canlynol:

Enwi, cychwyn a chymhwyso

1.—(1) Enw'r Gorchymyn hwn yw Gorchymyn Consesiynau Teithio (Gwasanaethau Cymwys) (Diwygio) 2010 a daw i rym ar 1 Ebrill 2010.

(2) Mae'r Gorchymyn hwn yn gymwys o ran Cymru.

Diwygio Gorchymyn Consesiynau Teithio (Gwasanaethau Cymwys) 2002

2.—(1) Diwygir Gorchymyn Consesiynau Teithio (Gwasanaethau Cymwys) 2002(3) yn unol â pharagraff (2).

(2) Yn erthygl 3(1)(a)(i), yn lle “adran 509 o Ddeddf Addysg 1996” rhodder “adrannau 3, 4 a 6 o Fesur Teithio gan Ddysgwyr (Cymru) 2008”.

-
- (1) 1985 p.67. Mae swyddogaethau Cynulliad Cenedlaethol Cymru bellach wedi'u breinio yng Ngweinidogion Cymru yn rhinwedd paragraff 30 o Atodlen 11 i [Ddeddf Llywodraeth Cymru 2006 \(p.32\)](#).
- (2) 2000 p.38. Mae swyddogaethau Cynulliad Cenedlaethol Cymru bellach wedi'u breinio yng Ngweinidogion Cymru yn rhinwedd paragraff 30 o Atodlen 11 i [Ddeddf Llywodraeth Cymru 2006 \(p.32\)](#).
- (3) O.S. 2002/2023 (Cy.207).

Statws *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

2 Chwefror 2010

Ieuan Wyn Jones
Y Gweinidog dros yr Economi a Thrafnidiaeth,
un o Weinidogion Cymru

EXPLANATORY NOTE

(Nid yw'r nodyn hwn yn rhan o'r Gorchymyn)

Mae'r Gorchymyn hwn, sy'n gymwys i Gymru, yn diwygio Gorchymyn Consesiynau Teithio (Gwasanaethau Cymwys) 2002 (“Gorchymyn 2002”).

Mae Gorchymyn 2002 yn gosod beth sydd yn wasanaeth cymwys at ddibenion adran 94 o Ddeddf Trafnidiaeth 1985 ac adran 146 o Ddeddf Trafnidiaeth 2000. Mae'r cyfryw wasanaethau yn gyfranogwyr mewn cynlluniau consesiynau teithio gorfodol. Mae gwasanaeth bws cymwys, mewn amgylchiadau penodedig, yn cynnwys gwasanaeth a ddarperir neu a sicrheir gan awdurdod lleol at ddibenion teithio gan ddysgwyr.

Gosododd adran 509 o Ddeddf Addysg 1996 (“Ddeddf”) rwymedigaeth ar awdurdodau addysg lleol yng Nghymru i wneud trefniadau ar gyfer darparu cludiant i hwyluso presenoldeb personau sy'n derbyn addysg mewn ysgolion a sefydliadau penodol eraill. Disodlwyd adran 509 o'r Ddeddf yng Nghymru gan Fesur Teithio gan Ddysgwyr (Cymru) 2008 (“y Mesur”). Adrannau 3, 4 a 6 o'r Mesur sydd bellach yn gwneud darpariaeth o ran swyddogaethau awdurdod lleol mewn perthynas â threfniadau teithio i ddysgwyr.

Mae'r Gorchymyn hwn yn diwygio erthygl 3(1)(a)(i) o Orchymyn 2002 er mwyn cyfeirio at adrannau 3, 4 a 6 o'r Mesur yn hytrach nag adran 509 o'r Ddeddf.